



Broj: T18 0 KT 0017437 24
Brčko, 22.07.2024. godine

Na osnovu člana 35 stav (2) tačka ž) i člana 226 stav (1) Zakona o krivičnom postupku Brčko distrikta BiH, p o d i ž e m:

OPTUŽNICU

Protiv:

M. J. (...)

Što je:

Dana 23.12.2023. godine oko 17,30 časova, u ulici Isaka Samokovlije broj ..., Brčko distrikt BiH, došao do kuće koju koristi M.M. i svjestan da postupa neovlašćeno i protivno njenoj volji, što je i htio, nogom razvalio vrata i ušao u unutrašnjost kuće, gdje je u namjeri da ošteti stvari, oborio frižider i sto i oborio televizor marke LG, crne boje, neutvrđene vrijednosti, svjestan da tako može oštetiti M. stvari što je i htio, pri čemu je oštetiio predmetni televizor u vidu napuknuća na ekranu, tako da više nije bio u funkciji, kojom prilikom je M. upućivao uvrede i odbijao da se udalji iz kuće, nakon čega je M. pozvala policiju i tek tada se udaljio, da bi nakon izvršenog uviđaja od strane policijskih službenika istog dana, oko 22,00 č, ponovo neovlašćeno ušao u kuću dok M. nije bila tu, pa kada ga je M. zatekla pri povratku kući, kako konzumira alkohol, i na njen zahtjev se nije htio udaljiti iz kuće, M. je ponovo pozvala policiju da ga udalji, što su oni i ovaj put učinili,

dakle, neovlašćeno prodro u tuđi dom i oštetiio tuđu stvar,

čime je učinio produženo krivično djelo – Narušavanje nepovredivosti doma – iz člana 181 stav (1) u vezi sa članom 55 Krivičnog zakona Brčko distrikta BiH i krivično djelo - Oštećenje tuđe stvari- iz člana 287 stav (1) Krivičnog zakona Brčko distrikta BiH,

[...]

Ovom objavom ne prejudicira se ishod krivičnog postupka i ne narušava princip presumpcije nevinosti. Svako se smatra nevinim dok se pravosnažnom presudom ne utvrdi njegova krivica.
